

## نوحہ

کدی پھیاں کدی سکینہٴ نوں ویکھ بیمار خون روند اے  
زخمی باقر دی چھوٹی گردن نوں چم کے سالار خون روند اے

کدی بابے نو یاد کردی سی کدی چاچے نوں او بلاندی سی  
اودے کناں چوں خون جاری سی او تماچے شمر توں کھاندی سی  
وینڑ سفر اں دے وچ سکینہٴ دے سنڑ کے لاچار خون روند اے

پتھراں نوں ہٹا نیں سکيا وینڑ لاشے تے پانیں سکيا  
دھپ توں لاشے اٹھا نیں سکيا قبر کوئی بنڑا نیں سکيا  
ریساں پا کے پیو دے لاشے تے بہہ کے غم خوار خون روند اے

نال زینبؑ جو درد اں ماری سی ایہو غیرت اودی بیماری سی  
لوگ کیندے نے طوق بھاری سی مار گئی اونوں پردہ داری سی  
آکے سجادؑ نال پھیاں دے سر بازار خون روند اے

شام دے لوکاں نے وی تکیا اے ایہو تارخ نے وی لکھیا اے  
بھانویں سجادؑ آپ رُلیا اے پر سکینہٴ نوں او نہ بھلیا اے  
زخمی پیراں وچوں سکینہٴ دے کڈ کے او خار خون روند اے

کدی سینے او بھینڑ نوں لاوے تازیانے او شمر توں کھاوے  
بھیڑ بازار دی جدوں آوے وینڑ بھینڑاں نو ویکھ کے پاوے  
خوں بھرے ویکھ کے سکینہ دے زخمی رخسار خون روند اے

غم شبیرؑ جو مناندے نے خون پر سے بچ دینڑ آندے نے  
گھراو جنت دے وچ بڑاندے نے رینڑ آباد غم کماندے نے  
دے کے پرسہ جناب زہرہؑ نوں ہر عزادار خون روند اے

زخمی زہرہ دا آسرا قائم اج وی زینبؑ دا حوصلہ قائم  
خون شبیرؑ دی بقا قائم ہے ملا عین لئی سزا قائم  
اج وی پردے بچ وقت دا عابد چا کے تلوار خون روند اے

ایہو قمبر دی ہے دعا مولا تے ہے رضوان دی صدا مولا  
غم سجاد کر عطا مولا رہوے قائم اے سلسلہ مولا  
بس تیری ہی عطا قلم ہے جو لکھ کے اشعار خون روند اے

شاعر اہل بیتؑ قنبر کیانی، ڈنمارک